



NATIONAL SENIOR CERTIFICATE EXAMINATION
NOVEMBER 2018

ISIXHOSA ULWIMI LOKUQALA OLONGEZELELWEYO: IPHEPHA II
ISIXHOSA FIRST ADDITIONAL LANGUAGE: PAPER II

Ixesha: 2½ liyure

Amanqaku: 100

IMIYALELO

1. Eli phepha linamaphepha ali-12.
 2. Eli phepha linamacandelo amabini (u-A no-B).
 - Icandelo A: Inoveli
 - Icandelo B: Imihlathana emide nemihlathana emifutshane
 3. Kwicandelo B – Bhala umhlathana omde omnye; nomhlathana omnye omfutshane.
 4. Imibuzo mayiphendulwe ngesiXhosa.
 5. Umthamo wempendulo yakho mawukhokelwe ngamanqaku owanikiweyo.
 6. Bhala isivakalisi esipheleleyo xa umbuzo ufuna oko.
 7. Abaviwa baya kohlwayelwa ukungasebenzisi kakuhle ulwimi.
-

ICANDELO A INOVELI

UMBUZO 1

- 1.1 Funda amazwi athatyathwe kwincoko phakathi kukaLinda noEddie ze wandule ukuphendula imibuzo.

"Andiqhuli kanti Eddie. Ngokwenene andiphumeleli ukuya eBhayo namhlanje. Ewe iseyilangqele uyaziyo nawe. Sukufane ukhathazeke okanye uzenze umntu okhathazekileyo. Uyifumene incwadi yam? Nangoku ulifumene ithuba lokudibana nesa sithandwa sakho sesibini".



- 1.1.1 Nika isizathu esibekwa nguLinda malunga nokungaphumeleli kwakhe ukuya eBhayo/kumboniso bhanya-bhanya. (1)
- 1.1.2 Zeziphi iingcinga awayenazo ngeli xesha? (1)
- 1.1.3 Caphula isivakalisi kule ncoko ingentla esibonisa ukuba uLinda wayephethwe sisikhwele/wayekhweleta. (1)
- 1.1.4 Wenza ntoni uEddie ukubonisa ukuba akayamkeli le nto ithethwa nguLinda? (1)
- 1.1.5 Uzive njani uLinda emva kwesi senzo? (1)
- 1.1.6 Ngubani isithandwa sikaEddie sesibini? (1)

1.2 Funda kwakhona lo mhlathana uze wandule ukuphendula imibuzo. Khetha impendulo ibe **NYE** kwezo uzinikiweyo.

"Wakha walibona na igeza laseBhofolo? Wayelilo ke loo mini uLinda. Umlomo wawuvula ngathi kukhamisa ukrebe ebona ixhoba. Nengqayi yabangathi yothuswe nguloo mlomo kuba yaphuma ngapha nangapha ukuwubamba umlomo, inxalenye yobisi olwalulapho lusihla ngezidlele, olungenayo emlonyeni lusihla ngengwiqikazi enesithonga, loo bhatyi yexabiso **seyinqongo** yonke. Wathi akuyifinca loo ngqayi, wavakala ekhalima umntwana wabantu: "Utywala budala, buyatsheva".

1.2.1 Kwesi sicutshulwa uLinda ufaniswa ne:

- A Nxila
 - B Geza
 - C Ngqayi
- (1)

1.2.2 Ithetha ukuthini le ntetho "Utywala budala buyatsheva":

- A Budala ngeminyaka
 - B Buyingozi
 - C Buyabulala
- (1)

1.2.3 ULinda wasela ubisi kuba:

- A Wayenxaniwe
 - B Wayelambile
 - C Wayenyanga ukugubhuzela kwesisu
- (1)

1.2.4 Le meko simbona ekuyo uLinda ibonisa:

- A Ukuphelelwa lithemba kuthando lwakhe noEddie
 - B Ukumthanda kakhulu uEddie
 - C Ukukhathazeka yimeko yothando lwakhe noEddie
- (1)

1.2.5 Nika intsingiselo yegama elibhalwe ngqindilili kwisicutshulwa esingentla. Khetha kwezi zingezantsi:

- A Yayimhlophe
 - B Yayimdaka/Yayingcolile
 - C Yayimnyama
- (1)

1.2.6 Khupha kwisicutshulwa izinto ezingaqhelekanga ezenziwa nguLinda ezibonisa ukuba wayesele utywala kakhulu. Bhala zibe **MBINI** kuphela. (2)

1.2.7 Ukusela kukaLinda ngobusuku bokufa kukaEddie noLulama kwafaka uLinda engxakini enkulu. Cacisa. (2)

[15]

UMBUZO 2

2.1 Abalinganiswa

Kukholam A sinoluhlu lwabalinganiswa ze ukholam B asinike inkcazelo emfutshane ngomlinganiswa ngamnye. Matanisa **uKholam A** no **Kholam B**.

Bhala inombolo nonobumba kuphela. Umzekelo: 2.1.1 c, 2.1.2 e, njalo-njalo.

Kholam A	Kholam B
2.1.1 UThemba Mdoda	(a) Umfo osindwa ngumzimba wakhe.
2.1.2 ULinda Monti	(b) Ngumcuphi ongoyikiyo owuthandayo umsebenzi wakhe.
2.1.3 UJoe Bumba	(c) Igqwetha lika Linda Monti.
2.1.4 USkhuvethi	(d) Wangena ezihlangwini zikaEddie.
2.1.5 USajini Ngqondi	(e) Umfo onamatshamba nokwangu-mphathi waseRio.
2.1.6 UMnu. Khumalo	(f) Umrhanelwa wokuqala kwityala lokufa likaEddie noLulama.
2.1.7 UHlobo	(g) Linenekazi elalizenza uNkosikazi Hobe ovela eKomani.
2.1.8 UThembisa	(h) Omnye wamanxila akwaMamkheyi.

(8)

2.2 Phendula imibuzo elandelayo. Fakela amagama ashiyekileyo kwindawo ezifanelekileyo.

2.2.1 Thelekisa iRio Cinema neMoonglow Night Club. **Zahluke** njani? Bhala amanqaku amane ubonise umahluko okhoyo phakathi kwezi ndawo zimbini.

(4)

2.2.2 IMoonglow Night Club yayifaniswa nomsitho wakwa _____

(1)

2.2.3 U_____ lelinye igama awayebizwa ngalo uHlobo emsebenzini wakhe.

(1)

2.2.4 U_____ wayengunobhala kwi-ofisi kaHlobo.

(1)

[15]

UMBUZO 3 IDAYALOGU/INCOKO

Khetha ubhale nge**NYE** kwezi zilandelayo. Bhala phantsi inombolo nesihloko somsebenzi owukhethileyo. Ubude bencoko yakho bungaba ngamagama ali-**120**.

3.1 Incoko phakathi kukaHlobo noNkosikazi Hobe

Isizalwane sikaEddie (uNkosikazi Hobe) sityelela isikhululo samapolisa. Ufikela kuSajini Ngqondi. USajini wazisa uHlobo ngolu ndwendwe. **Bhala incoko** eyayikho phakathi kukaHlobo noNkosikazi Hobe. Chaphazela ezi ngongoma:

Intshayelelo:

- Bonisa ukuba esi sibini siyaqala ukudibana (Mabazazise).
- Inkcazo emfutshane ngemvelaphi yale nkosikazi.
- Ukuzalana okukhoyo phakathi kwale nkosikazi noEddie.

Isiqu:

- Ukwahlukana kukaNkskz. Hobe no Eddie.
- Isizathu sokuba atyelele kweso sikhululo.
- Ingxelo ayinikileyo ngoLinda noEddie.
- Ukungamthembi kwakhe uLinda ngokufa kukaEddie.

[10]

OKANYE

3.2 Incoko phakathi kukaHlobo noJoe Bumba

UHlobo utyelela uJoe ngenjongo zokuphanda ngokufa kukaEddie. **Bhala incoko** phakathi kukaHlobo noJoe Bumba. Chaphazela ezi ngongoma:

Intshayelelo:

- Indlela amkelwe ngayo uHlobo nguJoe Bumba.

Isiqu:

- Incoko emfutshane ngeshishini likaJoe.
- Ubuhlobo phakathi kukaEddie noJoe.
- Ubusuku bokufa kukaEddie nendawo awafela kuyo.
- I "*tape recorder*" kaBumba eyaphelela kuEddie.

[10]

UMBUZO 4 ISINCOKO

Khetha ubhale nge**NYE** kwezi zilandelayo. Bhala inombolo yombuzo nombuzo lowo uwukhethileyo. Isincoko sakho singaba ngamagama ayi-**180–200** ubude.

4.1 Uphando ngokufa kukaEddie noLulama Zuma

Bhala uphando olwenziwa nguHlobo malunga nokufa kukaEddie noLulama. Shwankathela uchaphazela bonke ubungqina eze nabo nendlela obumchaphazela ngayo uLinda. Umfundi uya kufumana inqaku elinye ngophando ngalunye alubhalileyo aze afumane amanqaku amabini ngokubonisa indlela achaphazeleka/ obumchaphazela ngayo uLinda.

[20]

OKANYE

4.2 Isiganeko

Le mifanekiso ingezantsi isikhumbuza esinye **SEZIGANEKO** ezehlileyo ebalini lethu. Khawuyijongisise uze usibalisele ngesiganeko eso.



[20]

60 amanqaku

ICANDELO B

UMBUZO 5 IMIHLATHANA EMIDE

- Phendula umhlathana ube **MNYE** kule mihlathana ilandelayo.
- Impendulo yakho mayibephakathi kwe-**150–200** yamagama.
- Bhala phantsi inombolo yombuzo nesihloko somsebenzi owukhethileyo.


Umzekelo: 5.3 Ileta yobuhlobo

5.1 Ileta yobuhlobo

Umhla we 1 kaSeptemba yimini yokubhalwa kweleta kwihlabathi lonke jikelele (*World Letter Writing Day*). Sebenzisa eli thuba **ubhalele** umntu omthandayo iletla. Isenokuba ngumama wakho/utata wakho/umhlobo wakho.

Mxelele:

- Indlela omthanda ngayo nentsingiselo ayinikayo ebomini bakho.
- Intlonipho okanye imbeko.
- Ukumthamba kwakho.
- Ukumamkela njengomama/tata/mhlobo wakho.




[30]

OKANYE

5.2 Ileta yoburhulumente

Bhalela isebe lezolutsha elikufutshane kwindawo ohlala kuyo iletu ulichazele ngefuthe elenziwa ngo**MNYE** wale mixholo ingezantsi empilweni yakho. Ikuchaphazela njani; kwaye uziva njani wena ngalo meko?



[30]

OKANYE

5.3 Ileta yobuhlobo

Umhlobo wakho unengxaki nesiqu sakhe. Uzibona engafaneleki xa enxibile ngenxa yendlela amile ngayo nomzimba wakhe omkhulu. Le meko yenza ukuba angazithembi, asoloko eyedwa, angabinawo nomdla wokwenza izinto ebeqhele ukuzenza. **Bhala iletu** umcebise ngezinto anokuzenza akwazi ukwehla emzimbeni.



Kwimpendulo yakho **chaphazela** oku:

- Ukuxolisa ngemeko leyo akuyo.
- Ukuzamkela indlela ayiyo kwaye azithande.
- Ukutya anokutya ukwehlisa umzimba wakhe.
- Izinto anokuzenza.

[30]

OKANYE

5.4 Ileta yoburhulumente

Bhala ileta ubhalele iinkokheli zoMzantsi Afrika uzicele ukuba zenze izinto ngendlela elungileyo njengoko ubona ukuba ulawulo lwazo lunefuthe elibi kubemi boMzantsi Afrika.

Ungachaphazela ezi ngongoma zilandelayo:

- Imeko yezemfundo.
- Imeko yemisebenzi/ukunqaba kwemisebenzi.
- Ukungalinganwa kubemi boMzantsi Afrika.
- Ukusetyenziswa kwemali ngendlela engalunganga.


[30]

UMBUZO 6 IMIHLATHANA EMIFUTSHANE

Khetha ubhale umhlathana ube **MNYE** kule mihlathana ilandelayo. Umhlathana wakho kufuneka ube ngamagama ali-**120–150** ubude.

6.1 Umyalezo wefoni

Thumelela umhlobo wakho umyalezo wefoni. Mxelele ukuba awuzi kuphumelela esikolweni ngenxa yokungaziva kakuhle (uyagula). Mchazele ukuba ugula yintoni umcele ukuba akuphathele umsebenzi owenziweyo wosuku.



Uya ku:

Uvela ku:

[10]

OKANYE

6.2 Isibhengezo

Yila iposta umeme abantu beningqi yakho ukuba baye kumamela ityala lenzwakazi yodumo uLinda Monti.

Iposta yakho mayibe nezingongoma zilandelayo:

- Isihloko esitsala umdla.
- Sivezele kancinci ngesiganeko esenzekileyo.
- Umhla wetyala.
- Indawo.


[10]

OKANYE

6.3 Izalathisi

Umhlobo wakho usesikolweni i "City High School". Ufuna ukuya kwithala leencwadi (layibrari). Uyakucela ukuba umbonise indlela eya apho. Uza kufika njani?

- Bhala ngokwamanqaku okanye usebenzise imihlathi.
- Sebenzisa isimelabizo "U" ukubonisa ukuba uthetha nomntu wesibini.
- Izivakalisi zakho mazilandelelane.
- Kufuneka umyalelo wakho ucace.
- Sebenzisa isigama esifanelekileyo.



[10]

OKANYE

6.4 linkcukacha ngawe

Esikolweni sakho konyulwa amalungu amatsha ombutho olawula abafundi (SRC). Abafundi abanomdla bayacelwa ukuba bazise amagama abo ngaphambili, nenkcazelo emfutshane yomfundi ngamnye. Njengomnye wabafundi abafuna ukuzigqatsela olu lonyulo, khawusinike inkcazelo yakho enika umdla nezakwenza ube namathuba amaninzi okuphumelela olu nyulo. Landela esi sikhokhelo:

- Sixelele ngawe. Ungubani wakwabani?
- Ufunda kweliphi ibanga?
- Kutheni uzibona ungomnye wabafundi abanokumelana nalo msebenzi?
- Yintoni onokuyenza ngcono?
- Loluphi utshintsho ongeza nalo ukuze kuxhamle bonke abafundi?

[10]

40 amanqaku

Amanqaku ewonke: 100